


# Leitbild Heilklimatischer Kurort – Wallfahrtsort Todtmoos



Wer simer?

Wer wemer sii?



**Üsi schöni Schwarzwaldgmei, s Domis (Todtmis) isch prägt dur d Viilfalt vo de einzelne Ortsteil: S Vorderdomis, d Au, d Glashütte, d Berghütte, de Schwarzbach, s Mättli, de Weg, s Leh, de Strick, s Höfli, s Hinterdomis, d Rütli un de Preschteberg.**

Mir sin naturverbunde un ufgschlosse für historischi un kulturelli Möglichkeite, wo de Schwarzwald z biete hät.

**Üsi Lag am Fueß vom Hochchoopf, im obere Wehradal, un a de Schnittstell zwüschem südliche Schwarzwald un em Hotzewald, isch scho öbbis Bsunders.**

S Wozzeiche vom Domis isch d Wallfahrtschirche: „Unsrer lieben Frau von Todtmoos.“ Jedes Jahr pilgere vo nooch un fern viil Wallfahrer mit ihne Anliege zue de Muettergottes. Au s Pfarrhuus isch idrucksvoll, sisich baut un ehemols gnutzt worde vo de Äbt us em Kloschter St. Bläsi, au als Summerresidenz. E lebendigi Orts- un Chirchegschicht hät s Domis ufzwiese.

**S Domis, üse Heilklimatische Kurort mit siini driizeh Ortsteil in de verschiedene Höhelage un siim Mittelgebirgs-Reizklima, isch ibunde in e schöni, intakti Natur un Kulturlandschaft.**

Sanatorium Wehrawald, di hütig Klinik Wehrawald isch scho über 100 Jahr en wichtige Ort für viil Mensche, wo Erholung un Genesung sueche. Ußerdem isch Wehrawald en Garant für üse Heilklimatisch Kurort un it zletscht für viil Lüt en sichere Arbeitsplatz.

**Mir sin üs bewußt, dass üsi Natur un üse Klima d Grundlag sin für de Tourismus. So isch es üsi Pflicht d Natur noochhaltig z schütze un z pflege.**

**Mir sin e bedütendi Naturparkgmei im Naturpark „Südlicher Schwarzwald“ un sin bschtredt di naturnooch Entwicklig vo dere großräumige Kulturlandschaft z unterstütze.**

Mir sin stolz Domiser z sii! Mir sehns als üsi Verpflichtig a, de Ort mit siine 13 Ortsteil, als üsi Heimet in ere gsunde Struktur z erhalte un witter z entwickele.

**Mir sin stolz uf üsi Schwarzwaldhüuser un Sorge däfür, dass si erhalte bliibe.**

Üsi Tradition verpflichtet üs Alts z erhalte un Neus azpasse in de Bauform un im Baustil, für e charakteristich Ortsbild.

**Üse Welle un Due fangt a mit üsem Denke un berührt alli Bereich vo üsem Lebe, z. B. Energiefroge, Erziehig un Ernährig.**

D Kurgäscht sin e wichtigi Grundlag bi üs für d Wirtschaft, durch si entstöhn Arbeitsplätz un e besseri Qualität z lebe.

**Mir lege Wert uf en Tourismus wo zue üs passt, wo für üsi Region verträgli un noochhaltig isch.**

De Gascht isch König! Siini Bedürfnis stöhn im Mittelpunkt vo üse Bemühunge.

**Mir lege Wert uf d Qualität vo üse Leischtunge.**

Sit Jahrzehnti sin mir in Dütschland de wit bekanndischi Ort vom Schlitttehundsport.

**Üsi Gwerbebetrieb leischte en wichtige Beitrag zue de positive Entwicklig vo üsere Gmei.**

Mir sin lebensfrohi Mensche! Offeheit, Fründlikeit un Hilfsbereitschaft zeichne üs us.

**S Ehreamt hät bi üs en bsundere Stelwert.**

Mir lege viil Wert uf e guet Mitenander vo alle Bürger un Bürgerinne sowie vo alle gsellschaftliche Gruppe.

**Was mir schätze isch üse viilsittig Vereinslebe un di aktiv, offini Bereitschaft vo de Bürger.**

E noochhaltigi Entwicklig vo üsem Ort isch wichtig, si isch d Grundlag für d Zuekunft vo üse Chinder un für spöteri Generatione.

**Als Gmei in de strukturschwache, ländliche Gegend, beschäftige mir üs mit de Uswirkunge vom e demographische Wandel.**

S Domis soll e lebenswertig un lebenswertig Gmei für alli Generatione sii.